



Broj: 10-37-2-2580-3/16

Datum: 12. 10. 2016

Nada Golubović
Predsjednica Upravnog odbora Fondacije Udružene žene
Banja Luka

Predmet: Prijedlog za uspostavljanje kriznih centara za žrtve seksualnog nasilja

Poštovana gđo Golubović,

Zahvaljujemo se na Vašem dopisu koji sadrži Prijedlog za uspostavljanje kriznih centara za žrtve seksualnog nasilja, uključujući i silovanje, na način kako se propisuje Istanbulsom konvencijom.

U Prijedlogu korektno ukazujete na obavezu Bosne i Hercegovine koja proističe iz Istanbulske konvencije, član 25, za preduzimanjem „zakonodavnih i drugih mjera kako bi omogućile otvaranje dovoljnog broja odgovarajućih, lako dostupnih kriznih centara za slučajeve silovanja, odnosno centara za žrtve seksualnog nasilja koji žrtvama osiguravaju usluge ljekarskog i forenzičkog pregleda, podršku u slučaju traume i savjetovanje“. U Vašem dokumentu ukazujete na nalaze studija prema kojima u BiH ne postoje, odnosno nije bilo moguće pronaći dostupne relevantne informacije o postojanju kriznih centara za žrtve silovanja kao ni kriznih centara za žrtve seksualnog nasilja, na način kako je to članom 25. Konvencije propisano.

Agencija za ravnopravnost spolova BiH, kao i njeni entitetski partneri – Gender Centar Republike Srpske i Gender Centar Federacije BiH – pozdravljaju Vašu inicijativu. Ona je najbolja ilustracija proaktivnog, aktivističkog pristupa nevladinog sektora i njegove posvećenosti ciljevima ravnopravnosti spolova, poštivanja ljudskih prava, bezbjednosti i blagostanja svih građanki i građana.

Obavještavamo Vas da smo, i sami svjesni obaveze koja Bosni i Hercegovini proističe iz Istanbulske konvencije u vezi osiguravanja specijalističkih usluga podrške, uključujući i krizne centre, već planirali da se u okviru aktivnosti gender-mehanizama u narednom periodu bavimo ovim pitanjem. Naime, u sklopu predstojećeg projekta „Jačanje kapaciteta institucija za borbu protiv rodno zasnovanog nasilja“, finansiranog od strane USAID-a, predviđeno je provođenje pravne i situacijske analize i analize izvodljivosti za ispunjavanje obaveze u vezi kriznih centara za žrtve seksualnog nasilja prema Istanbulskoj konvenciji. Prikupljeni nalazi omogućiće nam da informirano, argumentovano i strukturirano pristupimo rješenju ovog problema, na tragu Vašeg prijedloga.

S poštovanjem,



MINISTRICA
Semiha Borovac

Semiha Borovac